

UGOVOR O JAVNOJ NABAVCI USLUGE
Zakup reklamnog prostora (billboard)

Zaključen između Ugovornih strana:

1. UNIVERZITET U SARAJEVU, Obala Kulina bana 7/II, 71000 Sarajevo, koga zastupa rektor prof. dr. Rifat Škrijelj (u daljem tekstu: Kupac)
ID broj: 4200494560007 i

2. EUROPLAKATBH d.o.o. Mehmeća Spahe 26b, koga zastupa direktor Nijaz Gracić (u daljem tekstu: Pružalac usluge)

ID broj: 4200120300001

TRN: 1413065320055465 otvoren kod BBI bank d.d. Sarajevo

Ovaj ugovor se zaključuje na osnovu Odluke Kupca o odobravanju pokretanja postupka javne nabavke broj: 0105-6364-1/17 od 09.10. 2017. godine i Odluke Kupca o prihvatanju ponude i dodjeli ugovora broj: 0105-6364-2/17 od 10. 10. 2017. godine, koja je donesena nakon provedenog postupka DIREKTOG SPORAZUMA.

I-PREDMET UGOVORA

Član 1.

Predmet ovog Ugovora je Usluga –Usluga zakupa reklamnog prostora – billboarda za potrebe i po zahtjevu Kupca.

Pružalac usluge se obavezuje da u skladu Ponudom Pružaoca usluge i pozitivnim propisima koji uređuju predmetnu oblast, izvršiti predmetnu uslugu.

II-VRIJEDNOST UGOVORA

Član 2.

Ukupna vrijednost usluge koja je predmet ovog Ugovora iznosi:

1.362,00 KM bez PDV-a,

(slovima: jednahiljadatristotinešezdesetdva KM i 00/100), što sa uračunatim PDV-om iznosi:

1.593,54,60 KM sa PDV-om

(slovima: jednahiljadapetstotinadevedesetri KM i 54100).

Cijene predmetnih usluga iz Ponude Pružaoca usluge su nepromjenjive za vrijeme trajanja ovog Ugovora.

Pružalac usluge je dužan pridržavati se jediničnih cijena iz Ponude.

III-ROK PLAĆANJA

Član 3.

Ugovorne strane su saglasne da će Kupac izvršiti plaćanje izvršene usluge u roku od (30) trideset dana od dana dostavljanja potpisane i ovjerene fakture od strane Pružaoca usluge.

Faktura se dostavlja na adresu Kupca, Obala Kulina bana 7/II, 71000 Sarajevo, (Pisarnica).

Plaćanje se vrši na transakcijski račun Prodavca.

IV-MJESTO IZVRŠENJA USLUGE

Član 4.

Pružalac usluge se obavezuje da će mjesto izvršenja usluge koja je predmet ovog Ugovora odrediti prema dogovoru sa Kupcem.

- pojedinačnom narudžbenicom Kupca za uslugu iz Ponude Pružaoca usluge;
- uslovima iz Ponude Pružaoca usluge.

V-NAČIN I ROK IZVRŠENJA USLUGE

Član 5.

Pružalac usluge se obavezuje 5. izvršenje predmetne usluge vrši na lokaciji koje ugovorne strane međusobno dogovore.

Rok izvršenja predmetne usluge je maksimalno (3) tri radna dana od dana prijema narudžbenice Kupca.

VI-OBAVEZE I ODGOVORNOST PRODAVCA

Član 6.

Pružalac usluge se obavezuje da:

- izvrši predmetnu uslugu koja odgovara zahtjevima i kvalitetu utvrđenom u Ponudi Pružaoca usluge.
- izvršiti uslugu na mjestu i u roku utvrđenom ovim Ugovorom, bez ikakvih dodatnih troškova isporuke za Kupca;
- riješi eventualne reklamacije Kupca konstatovane od ovlaštene osobe Kupca;
- ispostavi fakturu za izvršenu uslugu.

Pružalac usluge odgovara za kvalitet izvršene usluge, saglasno propisima i standardima koji regulišu predmetnu oblast i uslovima za njenu proizvodnju i promet.

VII-OBAVEZE KUPCA

Član 7.

Kupac se obavezuje da:

- izvrši kvalitativni i kvantitativni pregled izvršene usluge;
- izvrši uredno plaćanje ispostavljene fakture u skladu sa članom 3. ovog Ugovora.
- odredi Pružocu usluge termin za izvršenje predmetne usluge.

VIII-TRAJANJE UGOVORA

Član 8.

Ovaj ugovor se zaključuje do okončanja izvršenja usluge a počinje teži 5. dana obostranog potpisivanja ovog Ugovora.

IX-PRAĆENJE IZVRŠENJA UGOVORA

Član 9.

Pružalac usluge se obavezuje da izvrši uslugu ugovorenih karakteristika i kvaliteta.

Kvalitativno i kvantitativnu kontrolu izvršenja usluge, vrše predstavnik Pružaoca usluge i predstavnik Kupca.

U slučaju da predstavnik Kupca, prilikom izvršenja usluge, konstatuje da izvršena usluga nije u skladu sa Ponudom ili da usluga ima nedostatke (u kvalitetu), predstavnik Kupca je dužan da odbije prijem takve usluge, te sačini Zapisnik o reklamaciji, koji potpisuju predstavnik

Pružalac usluge i predstavnik Kupca. U slučaju reklamacije, Pružalac usluge je dužan da, o svom trošku, u roku od 3 (tri) dana, od dana sačinjavanja Zapisnika o reklamaciji izvrši novu uslugu odgovarajućeg kvaliteta, a ukoliko to ne učini, Kupac ima pravo na jednostrani raskid ovog Ugovora i naknadu štete.

Smatra se da je Pružalac usluge izvršio uslugu, danom potpisivanja Zapisnika od strane predstavnika ugovornih strana.

X-RASKID UGOVORA

Član 10.

Kupac ima pravo jednostranog raskida ovog Ugovora i zadržati pravo na naknadu prouzrokovane štete, ukoliko se Pružalac usluge se ne pridržava odredaba ovog Ugovora u cijelosti ili djelimično, kao i u slijedećim slučajevima:

1. ukoliko Pružalac usluge kasni sa vršenjem usluge;
2. ako kvalitet usluge ne odgovara ugovorenom;
3. ukoliko Pružalac usluge ne izvrši uslugu bez nedostataka, nakon primjedbe predstavnika Kupca;
4. ako Pružalac usluge iz bilo kojeg razloga izuzev više sile, dođe u situaciju da ne može izvršiti uslugu.

Otkazni rok iznosi (7) sedam dana i počinje teći od dana kada Pružalac usluge primi obavijest o raskidu ugovora od strane Kupca.

XI-ZAVRŠNE ODREDBE

Član 11.

U skladu sa članom 72. stav (6) Zakona o javnim nabavkama BiH, Pružalac usluge nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 12.

Ugovorne strane su saglasne da se za sva druga pitanja koja nisu regulisana ovim Ugovorom, a budu od značaja za implementaciju istog, kao supsidijarna pravila primjenjuju norme Zakona o obligacionim odnosima.

Član 13.

Sve izmjene i dopune ovog Ugovora mogu se vršiti samo uz postignutu pismenu saglasnost Ugovornih strana. Bilo kakvi usmeni dogovori predstavnika Ugovornih strana neće imati pravni značaj.

Član 14.

Sve eventualne sporove do kojih dođe u realizaciji ovog Ugovora, a koji se ne mogu riješiti sporazumno u duhu dobrih poslovnih odnosa, rješavat će nadležni sud u Sarajevu.

Član 15.

Ovaj Ugovor stupa na snagu kada ga potpišu i ovjere ovlašteni predstavnici Ugovornih strana. Datum kasnijeg potpisivanja ovog Ugovora, smatra se datumom stupanja na snagu ovog Ugovora.

Član 16.

Ovaj Ugovor je sačinjen u (4) četiri istovjetna primjerka, od kojih po (2) dva primjerka zadržava svaka Ugovorna strana. Svi primjerci važe kao original i imaju jednako pravno djelovanje.

ZA KUPCA
Rektor

Prof. dr. Rifat Škrijelj



Broj: 0105-6364-3/17
Datum, 11.10.2017.

ZA PRODAVCA
Direktor

Nijaz Gracić



Broj: _____
Datum: _____